

Риёзус солиҳийн шарҳи / Риёзус солиҳийн шарҳи / 372-ҳадис

372 - وَعَنْ ابْنِ عَبَّاسٍ رَضِيَ اللَّهُ عَنْهُمَا قَالَ: قَالَ النَّبِيُّ صَلَّى اللَّهُ عَلَيْهِ وَسَلَّمَ لِجِبْرِيلَ: «مَا يَمْنَعُكَ أَنْ تَزُورَنَا أَكْثَرَ مِمَّا تَزُورُنَا؟» فَتَرَلْتُ: { وَمَا تَنْزَلُ إِلَّا بِأَمْرِ رَبِّكَ لَهُ مَا بَيْنَ أَيْدِينَا وَمَا خَلْفَنَا وَمَا بَيْنَ ذَلِكَ } . رَوَاهُ الْبُخَارِيُّ . [4731].

372. Ибн Аббос розияллоҳу анҳумодан ривоят қилинади:

«Набий соллаллоҳу алайҳи васаллам: **«Эй Жаброил, бизни зиёрат қилиб турганингдан кўпроқ зиёрат қилсангиз бўлмайдими?»** дедилар. Шунда **«Биз Роббингнинг амри билангина тушамиз. Олдимиздаги нарсалар ҳам, ортимиздаги нарсалар ҳам, уларнинг орасидаги нарсалар ҳам Уникидир. Роббинг унутувчи эмас»**^[1] ояти нозил бўлди».

Имом Бухорий ривояти.

Шарҳ: Мана шу Муҳаммад соллаллоҳу алайҳи васалламга жавоб бўлди.

Бу ҳадисдан биламизки, Расулуллоҳ с.а.в. Жаброил алайҳиссаломни яхши кўрганлар, чунки у зот осмон хабарини олиб тушардилар.

Мусулмон киши бошқа мусулмон биродаридан зиёрат кечикиш сабабини сўраши жоиз, чунки бу уни яхши кўришининг белгисидир.

Фаришталарнинг тасарруфи ва ерга тушиши Аллоҳнинг амри билан бўлади.

[1] Марям сураси, 64-оят.



HADIS.ISLOM.UZ
NUBUVVAT MARVARIDLARI